

SO' EZZU

So' ezzu e quasi disgustadu
 Vivo cun s'isperanzia 'e su dolu,
 Prima cun fizzos medas oe solu
 E m' ido in cust'edade abandonadu.

Si malu o ingiustu fia istadu
 Su coro meu non si vi pentidu
 Anzisi a su malu obbedidu
 Aiada si si l'aiat meritadu.

Sa mia fi diversa ~~appassione~~^{volontade}
 E suffro su no essere obbedidu
 Su g'haia fi sempre divididu
 A issos e cun totta s'onestade.

Cantu trabagliu e pagu rippisu
 Sas manos gitto arcadas e duras
 Su corpus meu est tottu disauras
 Su movimentu meu est piedosu

Si mi parede a manos e a ghizzos
 E si so goi, già nd'happo regione
 Ca pro viver s'intende daghe fizzos
 No lu podia faghe su mandrone.

Suore, forza e briu app'eo dadu
 A issos cun magnifica manera
 Ei gomo non passana in carrera
 Timende chi calc'unu 'enza giamadu.

Oh! Naturan infame tue has tortu
 Ses falza pro ghie faghe de su bene
 Gai han fattu a Deus e lu crene
 Sos amigos mantessi l'hana mortu.

Isse cun forza santa ha dadu prou
 Ma eo chi non tenzo cussa sorte
 Si m'ecchini abbarro cun sa morte
 E non torro ~~uuu~~ a su mundu dai nou.

Pro idea maligno sunu fissoso
 Tottu creimus de haer cunfortu
 Su ghi han issos pro nois est mortu
 Mentre su g'hamus nois est pro issoso.

Ma cun tanto non s'odia su fizzu
 B'happada cale sia circostanzia
 Suffridi e si prega s'abbundanzia
 De benes, ed est custu su desizu.

SU 'EZZU SUNNIENDE

1

In mesu 'e giardinoso 'e fiores
D'eri notte mi so sunniadu
E mi pariada chi via torradu
Gowaneddu e pienu 'e vigores,
Battaglieri e prontu in sos amores
Chi pro me fi tottu immentigadu.
Non via solu, mi si vidi unida
Una giovane bella a prima fscida.

2

Una rosa in manoso iffozzende
Sighiada e l'intendo, amore 'e Deu,
Cussa faccia fissada a pettus meu,
Creide, la creia pianghende.
Invece mi la 'ido accarezzende,
Dendemi gustos, sentidu recreu.
Parla cumbinada sa prummissa
De gherre bene a mie ed eo a issa.

3

E nde restel segura, filos d'oro
Li fi fidele sa proposta mia,
Ma fi su sonnu falzu in poesia
Diventada e inganna cussu coro.
Agiu nde tenzo si como l'imploro
Est finidu, fuida est s'allegria
Ca finis ispassos de sa fantasia
S'ischerzu giustu pro s'edade mi

4

E fini gai e mori s'idea
Resta s'ingannu e perdo s'amore
Fini su giogu e intra su dolore
E fluidi dae manos cudda dea
E mi torro a dormire, cosa fea
Su gustu mi diventada inn rigor
Ei s'iscena s'est finida gai
Fi sonnu falzu: non nde 'ida ma:

Motto: Fiorittu

SU CALZOLAGIU E SA MUZZERE

Curre curre puddedru a su tanchittu
E no intedes no a ti firmare
Ponebi conca e pensa a ti frenare
Si no, ti lu fatt'eo su gioghittu.

Eo t' 'ido chi brincasa e t' 'ifogasa
Chirchende sas puddedras che a tie
E leas gustu trascurende a mie
E de sa mia onestade ti nde giogasa.

Non ses caddu runzinu già l'intendo
E non si dormidi a s'edade tua
Non sias falzu e nemmanou a oua
Nde fattasa chi eo ti comprendo.

Non ti manca trabagliu e ses cumpridu
Addolu mannu, mi nde dà sa proa
Ses dogni die cun puddedra noa
No este a oe chi ti appo 'idu.

Su viagu lu leasa dai tesu
O non tenes birgonza 'e chirccare
Sian viccinu o siana attesu
Faghes de tottu a ti las giamare.

A cantu pare no est culpa tua
Convinta chi ti 'enzan puru a domo
Ma cando ti dizidisi: nara como
A torrare puddedru a domo tua?

A mie mi lassas sola sempre in cue
In domo prepparendedi s'ispau
E tue mi ses filende su cannau
Guai si ti moves dai gue.

Itte ti crettas? Chi ses solu tue
S'omine valente 'e s'incontrada?
Si la mov'eo ousta falza istrada
Ista segur^{hanc} chi no m'isto in cue.

Como lu so seccada e basta gai
Non ti nd' 'enzada idea mancu appena
Si ~~peccati~~ passu ti ponzo cadena
E so segur^{hanc} chi non m' 'ides mai.

E fini goi cust'iscapricciadu
Lighendelu in manos e in pese
E si contada sas dies de su mese
Intro 'e domo è sempre umiliadu.